



常山文集

三


和16
2214
4



和16
22/4
4

常山文集卷之十

權中納言從三位源朝臣綱條輯



詩

七言絕句

次韻卜幽試筆

明曆三年丁酉

歲朝任例折松枝
夙酌紅霞壽介眉
半夜江南春到處
水波未動鴨先知

三月五日攜書生卜幽寫字渭川再遊

蒲田林中

再步林中攜友于。花殘葉茂物皆殊。不知今日又何處。前度風光更一無。

和內始言志并序

婦人之有才。古今之所難也。謝女之貞。曹家之訓。頌椒花。織錦字。餘姑舍諸。文物之盛也。僅數人而已。況於我朝乎。有賀茂齋院內親王有智子者。強學六經。博通百家。詩賦文章。布在方策。爾來繼武而起者。未

曾聞焉。嗚呼。傅粉凝脂。所以妝其姿也。讀書勤學。所以正其心也。心正而后身脩。身脩而后家齊。治家內者。婦人之道也。詩不云乎。宜其家人。化以及于國。于天下。則致治平矣。九仞之山。始於一簣。千里之途。始於一蹠。其所先後。蓋可知矣。我聞古昔之君子。論婦人之好惡。苟以德稱。不以色取。諸葛之醜女。閔王之宿瘤。是以其德者也。吳之西子。唐之太真。是以其色者也。所謂

以德受愛者愛竟不弛。以色得寵者寵有時衰。譬如布袋貯金玉。人爭取之。錦囊盛糞土。誰不棄之哉。今年始見詞花之生於閨房。長期英才之秀於藝苑。題以春月映梅花。於是請點窺於予。就而誦之。句句琅琅。字字璨璨。豈容翳于其間乎。戲取題之字義。語卿曰。能經三冬之寒苦。而知一陽之來復。凜凜高節操。彬彬有文質。比玉色之明道。擬深夜之馬公。宜矣。梅也。花中之

儒。其稱豈淺淺哉。若夫月者陰之德也。女者月之象也。陰晴之變。盈虛之數。萬人之所仰望也。文昭甄皇后曰。聞古者賢女。未有不學前世成敗。以爲己。誠不知書。何由見之。所謂文者貫道之器也。不可不勉強。行有餘力。則以學文之遺意也。卿夫拳拳服膺。而弗失之。侘日輝明德於中國。流芳名於後世也。必矣。恰如月之梅之相映乎。是予之所規祝也。信筆次韻。

一刻千金誰買得。暗香疎影兩三枝。月光妝
出含章下。撲面春風不耐吹。

初春火災之後。寓居蒲田茅舍。四壁荒
涼。不蔽風雨。四月十一夜。引被就眠。
杜鵑一聲。夢爲之驚。感慨于生。呼燭。

命筆

一旦避難三四月。離家幾度望孤雲。蕭蕭旅
店破窻夢。落枕鵑聲不耐聞。

次韻卜幽始聞杜鵑懷亡妻詩

半夜杜鵑雲上風。落成一片映山紅。聲聲愁
殺老鰥否。啼破莊周蝶夢中。

松竹方外友

松竹交加翠織成。隔離天日味涼生。節高共
有後凋色。相約歲寒君子情。

火後感世變更戲簡栗田筠齋

昨壯玉樓金殿觀。今成原上一時塵。人間萬
事也如此。年少莫驚老欲臻。

雨中訪弟賴隆茅舍于時聞杜鵑

鬣^名油雲未敢收。滿庭潦水拍欄流。夏山復
滴杜鵑雨。一洗蜀魂千歲愁。

九月十八日與弟賴隆泛舟遊淺草川。

簡一絕

高歌歎乃海之東。兩岸如趨阿堵中。水接天
涯天接水。舳艫千里一帆風。

伯父紀州亞相公使余和那波木庵元

且詩韻二首

萬治元年
戊戌

瞳瞳旭日忽昭回。郁郁椒花瀲灩盃。處處群

鷄報曉後。寥寥一犬逐年來。

一曲陽春無奈和。徒拈秃筆愧輕才。餼羊雖

夙告正朔未動葭莖六琯灰。

立一春在羊
且故及之

桃實

桃葉萋萋實纍纍。前園風物雨餘清。東方假
得西王壽。復被人呼三盜名。

疇昔黍蒙紀伊亞相公之佳招。庭有白

櫻二株。教余賦之。奉燕詞一絕。以供

電矚

籍也對，咸青眼看。清談終日，弄春柔、度櫻映、竹吟情切。省識晉林千歲遊。

是日詣養珠孺人之靈前，敬燒辦香，肅拜，不忍去。追慕之餘，綴小詞以洒筆。

淚滴云

赫赫日心偏照臨。廟垣清淨不塵侵。牌前猶拜舊時貌。敬薦蘋蘩，淚濕襟。

鶯琴探題

煙暗柳陰聞老鶯。雅琴盈耳更嚶嚶。陽春一曲偶求友。喚起伯牙千歲情。

螢

腐草迎秋化轉輕。隨風倚水更縱橫。孫康窗下雪猶未。車胤囊中眼已明。

平原秋樹

蒲柳先衰暗結愁。回頭千里露凝眸。晚鴉飛盡平原濶。一陣涼風一樹秋。

雨中紅葉

雨洒丹楓山更幽。樹端漸缺點紅流。吳江漲
盡晚風冷。一洗千林錦繡秋。

十月八日應補中太守大田資宗之招
會于駒籠別業。太守近臣春寮書生
賦一絕吟。不能止。和成二首以寄。

營居不用斲椽楹。地僻人稀厭利名。我有輔
仁三益友。何勞山水斷絃聲。

無盡亭中纔四楹。不求聞達不求名。歲寒猶

有後凋色。風舉濱松萬頃聲。

太守領濱松城。故未句及之。

去年冬山如睡。且下尖斜。散盡陣。終令。故令
顛項執鞭。滕六馳雪。英補綴木端。虧山隨埋
沒。靜如睡。孰與袁安獨卧時。

新宅立春。而。下。風。寒。料。峭。
吾宅新時春亦新。春盈新宅氣津津。宅中風
物皆新事。雀賀宅成人賀春。

冬夜論詩。

冬夜迎朋詩與催移燈東閣喚官梅坐來共
話敲推勢撥出陰何爐底灰

慧可立雪

獨立少林精舍前手叉斷臂一風顛參禪先
扣程門問雪白山川一色天

八月十五夜乘船賞那珂浦月
去年今夜武城月不定陰晴意轉勞今歲今
宵那賀浦月光十倍廣陵濤

八月十六夜

八月既望煙雨濛清光不借恨天公嫦娥今
夜秋雲鎖殆似上陽人入宮

重陽雨不好
九月今朝重九節弟兄相賀共觀遊插萸攜
酒登高處不耐滿城風雨秋

詩韻二首

次了的生於相州土肥海邊見中秋月
三五衡望變態新陰晴不定仰高旻夜深幕
地風吹去纔看雲間吐半輪

雨罷雲收。懼我顏。嬌娥艷色濕煙鬟。怪聞人
到。廣寒殿。習得霓裳舞曲。還

題猿猴捉水月圖

樹上玄猿低又昂。孤吟長嘯自徜徉。徒望水
月不盈手。巫峽岸頭空斷腸

題昌黎過藍關圖

秦嶺寒雲曾不披。昌黎跨馬獨行遲。畫工亦
借韓湘手。寫出藍關雪後時

紫藤花

曲蔓高懸探剡溪。紫雲擁面路程迷。龍虵束
縛中間樹。風卷翠帷瓔珞低

雁字得文字

鴻雁來賓不失群。冥冥未肯入秋雲。羽毛映
破毛錐月。認作縱橫千字文

重陽

一盞醪醑菊氣馨。東籬迎節蝶車停。避鮫不
食元無用。須向明窗讀孝經

梅上鶯題畫屏

鶯逐暗香頻往來。一聲啼破百花魁。枝頭勿
弄羞兒笛。恐是明朝落盡梅。

次韻向陽子試筆

萬治三年
庚子

送寒迎暖迭相推。品物流形亦豈私。鼎裏春
風先示瑞。龍團躍出鳳來儀。

夏雨

驟雨漲來水倒流。輿中猶穩似乘舟。油雲當
午盡收得。滿面涼風綠樹秋。

爐裏紅麟

穩坐辟寒爐已開。紅麟蹲處暖相催。獲祥絕
筆聖人後。秦火今還撥冷灰。

醫師仙庵在常州。賦元旦詩遠達武城。
余偶見之。次韻以寄。

兩地春風千里天。煙霞遮眼思悠然。常陽元
會知誰在。指汝當時孟萬年。

癸卯歲旦

寬文三年

新年嘉瑞滿城闈。萬國來趨賀吉辰。黍拜參
知元會日。黃鶯讓我喜遷春。

舊臘黍轉任參
議故末句及之

次韻向陽子元旦

旭光新耀武江東。黃鳥干飛翥谷風。風暖冰融管城下。文龍躍出石虛中。

東叡山櫻花

台嶺殘櫻哭太真。鷓斑糝路落續續。何人借得番風手。拈出法華微笑春。

水仙花

梅後獨占桃李前。寒香寂寞發幽娟。玉肌翠

袖凌波女。羅襪黃冠步月仙。

對雪憶亡妹

愁中徐起倚窻看。白雪地天同一般。甯冽冬風度庭樹。一枝已折一枝寒。

甲辰秋七月。河外太守井上正利賜休

暇而之。常州笠間向陽林子想像之

餘寄一絕。太守摘其末字。和以和歌

謝焉。林子書中言及余。於是續貂者

二首

秋風分袂武江陰。一望不看勞我吟。撥刺雙
魚手中躍。讀來忽慰別離心。余於此
井上梧桐落午陰。乍聞一葉促秋吟。情文兼
識絃中趣。會得伯牙千歲心。

病中九月十三夜


九月十三鳴日東。清光孰與仲秋中。凭欄欲
賞今宵月。尚養沉痾滿奮風。

雪後馬上漫筆

朝來雪霽旭光輝。馬背風寒翻白稀。點破平
蕪銀世界。一行鴻雁兩三飛。

常山文集卷之十終

常山文集卷之十一



權中納言從三位源朝臣綱條輯

詩

七言絕句

後園藤花

寶珠瓔珞不丁東。扣鼻蔓藤春暮風。水面波平花影靜。片舟疑棹紫雲中。

仲夏輪王寺一品法親王辱枉駕別莊。

泛船於角田長流親王詠和歌見賜
謹攀末字以呈座右

樓船輕泛角田隈狼藉杯盤酒興催昔日業
平歌就後一聲歎乃亦佳哉

友人送行信宿小金驛終夜閑談

我欲東兮君欲西旅亭逢著共相攜語闌不
識東方白已駭鄰村驛馬嘶

水樓賞月

避暑池邊獨上樓終宵乘月思悠悠東山捧

出一團扇招得涼風萬里秋

河上月

會中山風軒北河原亭

久慈川上月還明枕藉此亭到四更風動金
波浮碧浪清光徹底潛龍驚

十月二十八日遊中山信治之亭四顧

多景盱其駭矚北有大田山是先考
墳墓之地也暫時佇立潛然不能無
感援筆而題

亭下長流好濯足暫時清話絕塵氛遠望不

常山集 卷之十一
忽遲遲去。愁結大田山上雲。

鬼箭 和名錦木

錦木經霜紅葉新。洛陽十月再逢春。爾來不
假由基臂。鬼箭自然射疫神。

雪意

欲晴欲雪誤天機。發黷黃雲凝不霏。鄭縈灞
橋詩思未。只看凍雀頰頰飛。

夜鐘

物以人尊何以物。鐘并樂器在朝廷。夜來欵

枕有遺恨。梵宇鯨音不耐聽。

丁未元旦 寬文七年

年年不解從前惑。四十又今逢月正。已駭朝
來將老至。悔聞道晚更無成。

閏二月七日獵場旅舍賦古寺梅

緩探春光登上方。禪龕寂寞倚斜陽。佛前僧
少爐灰冷。獨有梅花自獻香。

山路看辛夷花即興賦一絕

正二月間花已發。辛夷樹上興無窮。坐來假

得春風手勢欲書空木筆濃

三月十三日會于虎賁次將之亭賞櫻

花席上次了的韻

芳櫻樹下酌紅霞相映斜陽珠有華不借番
風吹物力座間亦發筆頭花

秋夜在常陽初聞雁有感次吉元常韻
一聲聲落一更初片影橫斜穿碧踈月下照
看數行字何人擲筆向空書

同次真山玄建韻

懸隔江城與水城雁書已至兩鄉情一朝緬
憶漢庭古千歲猶揚蘇武名

獵場饗諸士

獵場分肉饗諸士滿坐高歌湛露篇更酌無
量何及亂益嘗堂上客三千

常例遇立春

寬文七年丁未

歲未迎春歲殿春梅花塢裏值佳辰風溫水
解池浸碧天曙先看生意新

寄柳祝

賀卜幽七十壽算

垂柳風微。裊麴塵。展眉開眼。媚芳辰。綠絲添
出藍袍色。衣被杏花園裏春。

鳳凰竹

移竹園中三兩條。葉如鳳鳥尾。翹翹何時覽
德。下淇澳。風動琅玕。亦舜簫。

已酉元旦

寬文九年

萬國來趨東武春。衣冠濟濟賀佳辰。天和位
育柳營下。他日猶期子葉新。

次越中太守細川綱利元旦韻。一陣

雙眼青歸楊柳邊。柿門松竹綠相連。一家任
例斟椒柏。恨讓先盃不讓年。

次祖峯禪師韻。兼簡長澤良智兩長老。

二首

老衲乘春會草堂。清談終日不知長。酌霞共
醉花前客。俗李凡桃又佛桑。
春朝飛錫百花莊。苦話敲推興味長。方外遊
朋雖行異。交情何減子輿桑。

中秋不見月。得月字。

中秋雨暗閉銀闕。風狂雲妬蟾華沒。有酒有
友無如何。徒負一年一度月。

蟋蟀 得夜字

在堂在宇在牀下。草露風靜任月射。歲聿其
莫無如何。頻催嬾婦鳴終夜。

節後菊 分探十二支得羊字

節去黃花猶傲霜。蝶蜂紛舞競追香。籬邊昨
日白衣酒再酌。餘尊立尚羊。

雙印舟中偶作

風收日午靜無瀾。一葉輕浮體亦胖。依柁欲
窮觀物眼。鳶飛魚躍海天寬。

還鄉

武城遠客幾星霜。白晝錦衣輝曉裝。物換星
移多不識。還鄉却道是他鄉。

上國井有飛泉。自溪間流出。故老傳云。

三四月間。杜鵑飲此水。始發新聲。

聞說激流鵲始鳴。無端從此斷腸聲。奔泉飛
過不歸去。瀉出蜀魂千歲情。

冬日牡丹

國色迷春誤歲華。先梅後菊吐奇葩。冬風借得韓湘手。雪裏能開頃刻花。

梅花年後多

曉角吹回庾嶺春。北南枝上逞精神。花經一夜較雖老。萬斛清香年後新。

窻前雪 探題

飛蟲終夜撲窻紗。曉看忽開頃刻花。吹面風寒西嶺雪。陰何灰裏撥劉叉。

和田犀始謁風軒叟詩韻

解印逃來東海濱。白雲長伴寄餘身。偶然萍水相逢處。終日溫談別置春。

瓶中梅花

瓶裏梅花巧吐奇。呼童換水育芳姿。一團和氣番風外。滿座惟馨玉色枝。

不弄春月 得鼻字

書窻燈滅寫小字。疎影誘我不得睡。霞外風靜月朦朧。只有桂香暗撲鼻。

和某人惠桃花韻

春入仙桃萬朵開。題詩墨客豈凡才。此花更不尋常種。疑自武陵源洞來。

月下酌酒戲賦一絕

酌酒賦詩強賞月。月兼詩酒約同盟。無詩無酒又無月。何以秋來慰我生。

芙蓉拒霜

芙蓉開處刷紅妝。殺氣不傷懸絳囊。節後東籬菊雖老。此花獨拒夜來霜。

節後菊

三徑未荒蜂蝶猜。黃花郁郁後時開。東籬猶有傲霜色。前度真人去。又來。

壬子元旦

寬文十二年
物體

夙試鼠鬚點硯池。書窻風暖日初遲。朝來我年四十五。比老壯容比少衰。

寄僧宗脫

并引

頃日視次第乞食之僧。憐餓芋卧路頭。而分一鉢。余謂于佛于儒。以仁為本。以慈為

宗。嗚呼忍吾。一日之飢。救彼一日之窮。可謂真頭陀行者也。當世希有。惻隱動情。就問名。對云某。又問寺。云在三田。約他日必敲禪扉。互辭去。世事紛冗。不能尋約。聊賦一絕。以伸寸懷。

落葉疑雨

蕭殺秋風木葉鳴。幽齋支枕七年情。夜來欹

耳。雨聲靜。窗外擡頭。月影明。

十日菊

一夜天明秋漸衰。東籬今有傲霜枝。落英佳色未憔悴。何似靈均吟澤時。

季冬朔登江城。夙命駕過飯田高岡。大霧黯湛。勞進一步。即事二首。

四顧山川宿霧濛。公超行過失西東。聞香暗識梅花易。物在先天混沌中。南州元是氣將佳。曉霧冥冥天一涯。六合黯

然迷道路始知雞犬報人家

獵場獲兔

結隊分圍麾萬夫。眾宜肅肅接平蕪。犬疲兔死為他有不若。終朝靜守株。

旅舍遇雪

飛雪夜來點翠微。窻明呵手整綾衣。不愁旅店忍寒氣。只喜明年宿麥肥。

瓶裏夏菊

夏日初看瓶裏菊。時時灌水逞芳姿。探支元

亮東籬色。忽發薰風花一枝

晚晴 得蘿字

霖雨濛濛幾日過。乍晴誘我費吟哦。虹蜺東見長松樹。樹上高懸千丈蘿。

毛詩司經板矩作詩寄村顧言。余見之。即席次韻。

一葉浮沉寄我生。投鉤撒網幾遊程。雙魚不憶手中得。擲作琅琅戛玉聲。

題畫馬

常山文集 卷之十一
野馬入繪尋常異。骨相不凡世無比。丹青之妙有精神。勃然興起伏。樞志

題寒山拾得圖

豐干會下兩頑童。共伴於菟眠正濃。白象馴來獅子吼。國清寺裏起腥風。

遊東泉寺

暫憇東泉蘭若下。巉巖當牖碧嵯峨。擡頭眼豁一望裏。門寄東溟萬里波。

登環山

攀上危峯靈運屐。苔蒸石徑滑無塵。虎牙傑出環山列。恰似衆星拱北辰。

賀中山風軒八十初度

八十老翁無比倫。功成身退海東濱。烏將春酒介眉壽。德邵年高席上珍。

杏花

日邊雲色妒紅顏。遙打酒家扶醉還。桃李未勻梅已盡。此花獨占此中間。

遊六地藏寺戲題垂絲櫻花

袅娜絲櫻風定靜。媚枝無力不勝扶。異香撲
鼻道場裏。顆顆高懸瓔珞珠。

遊耕山寺

耕山禪窟淨無塵。游客跡稀啼鳥馴。風冷谷
寒花尚未。僧房三月鎖陽春。

梨花

淡白梨花帶露滋。玉容雪態逞芳姿。真妃寂
寞洗妝淚。滴盡春風兩一枝。

題少林院殘櫻二首

粉徑芳櫻夾鷓斑。老鶯踏雪苦綿蠻。僧房春
暮稀人到。佛殿花飛白日閒。
遠覓香雲扣少林。白櫻飄處惜春深。工夫只
在一花上。何費九年面壁心。

野無病草

滿面風溫野興多。春回病草毓陽和。向榮品
物盡無瘁。獨奈煙霞痼疾何。

心易梅 探題

安樂窩邊梅蕊新。豁然探蹟見天真。清香暗

告畫前易。忽識堯夫手裏春。

題旌櫻寺櫻花

并引

常列大田邑有櫻樹。相傳源義家東征。真
賊載旌干茲。此樹長大盤屈。互數十步。花
藥如旌。俗因稱旌櫻。為題一絕。

蔽芾山櫻公所芟。香德春風流世末。根如卧
龍花如旌。義家芳名逾諸葛。

葉底殘紅

得虎字

山櫻春暮不堪雨。纔嗅餘香吟情苦。葉底花

殘。栖鷓鴣樹下雪散。蹲鹽虎

楓林晚興

紅葉撩人扶醉容。睡餘揩背夕陽春。楓林秋
瘦日難暮。近報天南遠寺鐘。

送男九成之獵

蒐苗獮狩以時節。不為遊田為害田。唯恐國
人安所狃。來趨誇美子還僮。

乙卯元旦

延寶三年

木德位東天始明。先鑄剛卯祝王正。寒林忽

被温風觸。言葉詞花春向榮。

舊職忝賜勅題賦詩上之。故末句寓微意。

聖護親王光顧僕門。倒屣迎拜。開宴於後樂園。酒酣親王題詠和歌。明日辱手染翰。感荷誠深。可勝抃躍。恭承微旨。摘其末字。叨綴蕪詞。謹謝答焉。

華翰千里到江都。進揖玉顏羞。玳瑁硯海汲清。三井水。歌流滌筆。點塵無。

頃者梶井親王。枉光駕遊僕後園。他日

辱惠繡章一絕。拜讀數矣。不堪感佩。謹攀高韻。奉呈御座之下。

早入紉園。辭紫臺。澄心法水洗。置埃豈圖武。野草茵露。移得台山月影來。

孟夏念六日。曼珠親王辱賁臨僕邸。遊後樂園。爾後飛一朶詞花。蕪園為之。再春矣。拜吟圭復奉瀆芳韻。聊備千謝之乙。

薰誦琅吟意味繁。雅章含得六三坤。雷霆法

鼓久轟耳。今見龍孫起竹園。

伶人狃近元。攜察案及其子姪。遊我後

樂園。酒酣興逸。泛舟池上。各奏音樂。

迭相應和。洋洋盈耳。乃漫筆申謝。

今日忽觀清樂。殷管絃迭奏。過行雲雅音。嫋

嫋遺風在。唯恨世無季札聞。

題菊圖

曼珠法親王畫應
弘文院林學士求

丹青不借化工力。長見黃花壁上生。晚節惟

高霜下傑。分明畫出一淵明。

後樂園卽興

綠草紅花入詠名。好山勝水以人鳴。我園忽

被羣公賞。自是風光又向榮。

待子規

探題

細雨濛濛綠樹連。杜鵑花發憶鳴鵑。天津橋

上亦何處。贏得堯夫識未然。

次韻九成題雙頭蓮詩

并序

延寶四年夏。我後樂園池中。產雙蒂之蓮。

七月某日。詞人才士來趨來賀臨池開燕。陶陶樂只。嗣子九成呈賀蓮詩以乞添劑。吟哦也屢。猶不忍閣。乃分天娟蓮三字。押韻者總三章。因諭之曰。凡蓮呈祥非泉耳。而土肥不能以產焉。夫學亦然。詩賦文章者。勤學讀書之花葉也。耕道德之田。而培其根。則其花葉自然蕃茂。徒費懷於枝葉。不注意於根莖。猶繪壁無月光。剪綵無花香耳。豈大丈夫所為哉。焚膏繼晷孜孜不

倦。讀書多。作文多。則自然入佳境。古謂胸中有萬卷書。則下筆無一點塵。汝其勉旃。何必待我鞭影哉。

甚愛嘉蓮。映碧連同根。向背鬪紅嬌。影分並蒂。方池水。風送清香十里天。瑞蓮並蒂。各爭妍。不染淤泥清。且鮮花似雙珠。孟家產。美姿相對共娟娟。左右分房。花翼然。亭亭灼灼蒂相連。呈祥後樂園池裏。一幹雙頭四德蓮。

八月十五夜月下對酌

得燈字

邂逅相逢對酒明。興闌不覺素娥升。幕天席地醉高枕。枕上誰挑月一燈。

謝陀山長老惠菊花

菊英分寄梵王家。香味味來禪味加。會得淵明真面目。秋風拈出一枝花。

雪竹

巖冬抱節綠簷簷。啄落鳳凰花不香。雪望欲窮千里眼。殺青一夜白瀟湘。

七月初六。太嶽禪師來訪。有作見示。次韻謝之。

一篇詩卷攤唐賢。語帶煙霞紙上鮮。蟬噪蛩吟庭宇靜。對師物我共談禪。

中秋不見月

會風軒探六義字得風字

清光今夜又何處。樓上雨淋打庾公。雲鎖月宮秋寂寞。桂香不送柱峯風。

月照殘菊

以下二首又會風軒所賦

節後黃花遶舍開。寒星一夜落徘徊。霜華襯

月東籬下。疑是白衣人復來。

窻竹

竹擁風檐。翠葆搖霜餘。高節抱清標。月光壓
倒。猗猗影引上。紗窻鳳尾翹。

和答向陽林子謝贈天鷲詩

句拙無由加切磋。徒勞筆硯。撫鬚。當時逸
少黃庭後。今有新詩換白鷲。

和醫生筑間玄術元旦韻

一朝天曙物皆新。放眼忽開壽域春。春到原

延寶八年庚申

頭無病草。熙熙能保百年身。

初春即事

鶯晷日溫發雅音。梅窻風緩吐芳心。春無物
不起予者。花有文章鳥有吟。

月前神祇

得華字

鳩峯一鏡玉無瑕。馨德神明散桂華。影落放
生池底月。月清可數水梭花。

與人見慶菴醫士

并引

久聞芳名未挹芝眉。今歲臘十九日。偶扣

我後樂園始得識荆誠增愉快時天雨雪
足下不敢辭東郭之履寡人唯愧無木屑
之設戲簡一絕以乞和答

甚喜佳賓造草堂慙慙交臂笑談芳曉來玉
飾杏林下雪眼惟明牆一方

應仰堂禪師之招過東海精舍禪師見
示一絕攀韻謝答二首

半日偷閑遠世華蕭然有致梵王家庭栽鬱
鬱後凋栢窻對青青無色花

鼎躍龍團煎井華談禪消日老禪家東南擢
首海天濶捧出房陵三朶花

閨中秋詠月

南呂今宵歡遇閨倚窻對月再揚卮嫦娥煉
得還元藥天上秋容猶未衰

月下花

得琴字

山櫻誘我費呻吟一刻千金古又今白雪惟
馨風外月月懸花外一張琴

早春

一夜窻明一歲除。寅賓出日，祝春初。溫風喚起好文木。鶯晷長閑，便讀書。

送醫生玄術之鎌倉戲藏藥名

鎌倉川山甲夷洛風揚馬鞭，應行樂暫時蟬蛻。世事譁君早當歸莫違約。

讀滕王閣序

閣自滕王曾築成。江襟湖帶復傳聲。閣公却是舊相識。託序奉揚一介名。

寄柳絲祝探題

柳絲陰靜翠煙勻。縷縷條長，日日新。濯雨綠風色猶綠。天機衣被萬方春。

次三木之幹少年九月十三夜韻

雪誤岐陽毛孔寒。荻蘆襲白眩江干。月雖減却二分影。籬落風收玉一團。

秋海棠

誰謂海棠秋得名。對花感慨自然生。西風吹覺馬嵬睡。露滴楊妃千歲情。

聞今夕諸子會于近藤某宅欲往臨席

畏寒而罷。戲簡一絕以要和。

曆林葉盡物淒其。癡坐爐邊覺我衰。想像年
餘文士會。坐闌不可各無詩。

寄釋日逢 并引

覺善院逢上人為弘法。暫留錫於妙雲教
寺。今茲仲春念八日。余靠杖探春。偶過招
提。慧辯懸河。玄談移時。緇素方不同。金蘭
情何異。於是即席走筆。裁一絕以寄上人
獅座下。

杖藜緩曳叩僧房。半日得閒麾夕陽。物我共
忘春寂寞。只聞功德法華香。

孟夏初四大田道中馬上偶成

開落山櫻纔互旬。馬蹄踏雪舉香塵。鷓斑夾
路黏泥土。雨打花空愁殺春。

常山文集卷之十一終

驟雨終日洗天出。月光尋常無物比。難兄難弟繼華秋。秋夜夜長不得睡。

十月十五夜月蝕戲題一絕

十月之交天混濛。玉盤飛上赤如銅。嫦娥忽被蝦蟆食。可悔當時走月宮。

月前初鴈二首 中山道軒餞別會

矯首塞天雲路開。金波風靜櫓聲催。嗷嗷有約江城月。無忘年年去却來。低度西風叫月初。點空片影印窻疎。天晴可

數一行字。漢節秋高蘇武書

詩語入秋高 探題

爽氣灑灑白露時。騷人託物雅懷披。欲看秋興萬般色。熟讀幽風七月詩。

山家落葉

牕前木葉無人掃。疊徑魚鱗夾鷓斑。鳥不迷巢。蟻迷穴。林疎忽獻屋頭山。

三光硯

硯以三光天象鑄。筆垂篇籍墨磨玄。蕭然靜

坐文房裏。相約與而期。永年。

金城朝暾

松平讚岐守賴常
私第十景之一

旭日麗天。烏卵濱。朱甍碧瓦。耀城闈。六螭扶
駕。出暘谷。光被東方。君子人

紅梅

疎影月排紅雨。扉斜紅枕破。醉楊妃。北人勿
作杏花看。色即是而香即非。

新館迎新春

新館風光。溫歲餘日長。好讀讀殘書。窻繡青
史。添春色。先有黃鶯喚起予。

庭梅

檐前梅發。賞良辰。歲歲年年改。觀新物。有尋
倫。猶可敘。孫枝子葉。幾回春。

山花

探題句末
各押詩字

遙見山花。苦賦詩。筆頭花入謫仙詩。風吟花
外詩。三昧。三昧。在花。花在詩。

次碧山大久保氏遊後樂園韻二首

大久保長三郎
忠榮號碧山

蹙然相識是雖新。交道由來有舊因。莫樂生
平紛冗樂。樂且樂。在讀書人。
風度林園含晚晴。銀濤清耳殷松棚。樹陰為
下陳蕃榻對酌共談無限情。

丁卯元旦
貞享四年

今歲我逾父一年。壽夭前後命耶天。父何先
我我何後。濺淚春風木主前。

夜宴後園

開宴後園宵既闌。盃盤狼藉倚欄干。明年今
夜也何處。對月須成往事看。

和吉元常與洛人遊野外韻
天高越林

郊外班荆相識新。三三兩兩異鄉人。君看武
野紫霞簇。孰與洛陽三月春。

題有栖川二品親王雪月梅圖
紫宵吟

此花是竹園之種。一朵分來南面春。影不上
欄風不冷。長看奇夜有精神。

梁燕

尋主鷓鴣有舊緣。年年來去盡梁前。假令汚
莽大夫面。莫誤銜泥點太玄。

水邊看月

在那珂港探江清月近人句
得江字

舟棹空明維翠岸。弓懸雲外射紗窗。終宵扣
枻吟哦去。萬頃風高月一江。

九月十三夜

中山道軒別墅

季秋乘夜不能眠。此地清光別有天。高挂林
端箏樣月。吹松風撥十三絃。

始試文章卓。此日立春。

此器新成物亦新。自然節目愛天真。硯池冰
釋墨龍躍。喜遇文章卓上春。

佛手柑寄野友元

嶺南奇產不尋常。瓜狀橙皮金色黃。佛手攜
來文几上。拈花孰與探花香。

風靜花香

白櫻今日為君開。花靜一庭無點埃。檐外風
收春晝永。黃鸝翥雪送香來。

三月望。駒籠別墅花下。和心越禪師韻。

二首

放眼東南春色繁。芳櫻迎客貴荒園。荒園下
 樹花紛舞。風送白衣彭澤樽。
 春風處處百花繁。勝日尋芳扣我園。共作敲
 推吟佛後。結交方外對琴樽。

八月十四夜月

今夜探支明日明。一輪輾破寂無聲。人間既
 有亢龍悔。勿謂清光猶未盈。

與剛室和尚賦池上楓葉天真賦此水

方外淡交池水清。楓林燒葉苦茶烹。霜楓有
 色吳江晚。吹送秋容衣錦行。

雲水上人惠後園柿栗。副以絕句一首。

次韻為三章。以供軒渠。

其一 并題 柿栗

般若園中手自栽。拈花探實立盤徊。林頭日
 暖牛心熟。苞刺秋深蝟殼開。

其二 題柿

珍菓紺園誰昔栽。題書霜葉幾遲徊。秋風樹

上吹寒火。顛顛然。雲凝不開。

其三 題粟

一樹篤迦檐外栽。群狙窺隙日低徊。老僧宴坐叢林下。好是東門靜室開。

過中山道軒賦庭菊

秋老閨庭一興加。霜餘菊發傲陶家。東籬延得南山壽。隱逸人宜隱逸花。

上元立春 元祿二年 巳己

一朝持得兩端來。元夕立春相共催。初暖方

生於火樹。銀花先占百花魁。

梅邊對酌

逸興遄飛東閣詩。彷徨樹下舉芳卮。暗香微動春風裏。釀得聖清酌伯夷。

次韻越禪師舟中題藤花詩

藤條嫋娜玉瓏瓏。千紫蒙茸萬縷風。岸下維船揩醉眼。弓蛇蔓影落盃中。

次韻村顧言花下即興

白櫻樹下倒金樽。天為幕兮地為席。惜花終

夜移燈看。不知東方既將白。

孟秋之日。村顧言書生寄書。森尚謙醫友。楮末題絕句一章。寡人偶見之。嘆曰。十有年前秋中元。與汝遊磐船之下。乘月鬪韻。艸沙作賦。今也追憶如夢。於是次韻三章。聊敘往事。

日夜混混不捨流。當時曾憶昔時遊。昔時遊處沖洲上。邀汝共題七月秋。

短棹輕舟下碧流。那珂風致記曾遊。暮雲天

遠幾回首。水戶遙望江戶秋。閱歲歲華過眼流。何時與汝復盤遊。屋梁殘月情滋感。借問武藏無限秋。

摘村顧言首句七字為韻。賦常州名勝。仰題瑞龍。

瑞龍山上拜塚墳。遐想往事乍惆悵。幾度顧視去遲遲。秋風和淚濺橋仰。

對題袋田瀑布。

袋田瀑布垂玉佩。空翠染嵐景曖曖。獅吼虎

躡白龍飛。逞巧畫屏四面對。

青題村松

村松淨植白沙汀。留得四時雪後青。無限風光吟不盡。右涵湖水左滄溟。

山題筑波山

高秀東關八國間。日邊騰茂筑波山。陰陽鎮護雙峯出。恰似髻了堆翠鬟。

俯題君田橫川

君田橫川羊腸苦。望山仰止臨谷俯。水流鳥

啼白日閃。不聞人聲如太古。

對題大雄禪院

大雄蘭若遊。茲再依舊山河宛。然在風杉吹綠。色即空。談禪喫茗坐相對。

流題久慈川
每句押同字

源流陸奧久慈流。一葉遙飛萬里流。風激奔流波噴雪。急灘石出水分流。

仲秋念一日。月坡禪師攜梨花來。見示
一絕。次韻申謝

秋日梨花滿院香。化工何事誤韶光。一枝留
得溶溶月。寂寞淡妝誇夜長。

九日登礪原高岡

令節登高望眼措。雨餘萬象物皆佳。邀賓對
酌菊花酒。一口并吞東海涯。

菊潭吉元常項日求得管右相畫像九

月二十九日展軸設宴各賞次沙花

家韻以賦管公把菊云

公如猿鶴雜蟲沙。希有人中優鉢花。晚節德

高菅氏菊流芳藏在子常家

孟冬十九日。偶過水城史館庭前有楓。

紅葉射眼。因戲題簡安藤為誠并示

諸子

青女染來下錦機。斑斕悅目舞萊衣。晚楓不
借魯陽力。返照枝頭留赤暉。

大田即興

仲冬十二日山下雨降。
山上有雪。故偶題云。

北嶺南村纔數里。何為寒暖不同時。麓皆微

兩山皆雪疑是天工亦有私
臘月十二日辱自息軒主之佳招同賦
入松遐年友

遐想植松弘景家知音千歲意增加
夜來風度清心耳傳枕鳴琴鼓伯牙

愁中遇春 元祿三年 庚午

柳線縈情結不舒告春黃鳥却愁余
斯人亡矣吁如奈唯恐阿誰補漢書
是歲正月妹清雲院歿故及之

二月十八日遊巖船舟中作

乘興隨流一葉輕風收日暖縱遊情
放鷹處處獲鳧鴨恰若剛兵驅弱兵

題垂絲櫻

縷縷串珠揚柳枝華鬢四面動旌旗
垂絲縹出春風手織得回文錦字詩

垂絲櫻和勝樂寺雷啓禪師韻

錦繡工縫不見縫高懸瓔珞露香濃
千絲委地玉輕舉一朵屯雲白淡籠

史館玩梨花二首

史館梨花輾雪車。風翻粉蝶舞春餘。窻前斜
印溶溶月。照破堆堆滿架書。軒窗
文園香雪質彬彬。片玉跳庭襲艸茵。月落西
山春夜黑。梨花偏屬讀書人。

三月六日。步於綠岡山莊尋桃花處處

乘興行吟

南北西東花作鄰。風温含笑不言脣。誰知今
日秦耶晉。人是桃源洞裏人。

題旌櫻

禪林春老已荒涼。櫻雪風狂封上方。根倒龍
蛇蟠砌卧。花翻旌旆過雲香。

題白藤花戲簡諸禪客

花別水晶碎雲母。枝蔓裊裊蓋窻牖。偶聽法
談鼠齧藤。方外友亦有益友。

紫藤花

分探半山雲木卷
蒼藤七字得卷字

託松藤花千縷線。紫雲高屯藏紫燕。慈恩招
提樂天詩。讀來幾度舒又卷。

過大橋村。橋邊看雪。押鶯栖和歌末字。
雲際飄飄。鵬羽寒。回頭四面失青巒。扶筇緩
步大橋下。既作當時驢上看。

和榎本宗考贈花三木之幹詩韻

讀耕書圃好培根。言葉詞花信手翻。春在尋
常桃李外。搜求桃李屬公門。

杜鵑

不如歸去兩三聲。說盡旅人無限情。泣血映
山紅。淚滴。杜鵑開處杜鵑鳴。

是歲仲夏。西山之麓。卜菟裘之地。自息

軒主賜和歌。以助燕雀之賀。不堪欣

抃之至。揭其末字為韻。綴一絕。以呈

獅子座下。元祿四年 辛未

青苔日厚。門常鎖。啾啾鳴。禽友于我。境致非

水。又非山。意足到處物皆可。

中秋得秋字

自從占地。西山麓。今夜初逢三五。秋憶昔玉
樓金殿。月不如對影酌忘憂。

和吉弘元常賦雪寄板矩森尚謙韻二
首
奇夜風光蕩月波。先春花木眇庭柯。山頭埋
沒歲寒色。松柏蒼髯奈老何。
西山雪後月舒波。一夜殺青松改柯。銀屑封
門人跡少。爐邊獨坐伴陰何。

兩峰太先達榮春權太僧都遠枉法駕
訪西山艸廬露談餘滴點筆詠歌摘
末字為韻似金剛盤下

遊鹿鳴禽皆友于。吟花酌月飽尊鱸。綠苔日
厚稀人跡。世上塵埃一點無。

正月四日雪
元祿五年
壬申

慘慘寒威年後嚴。梅花增白發前檐。今朝羊
日天微雪。只誤晉宮竹葉鹽。

春日巖船慧明院席上探題賦初春
年後綠梅含舊情。曉來黃鳥弄新聲。沛然法
雨滿山潤。寒艸春回盡向榮。

水雞
同席探題

陣陣涼風拂暑紛。水雞鳴處欲黃昏。唯疑敲戶故人到。倒屣中庭月一痕。

春雪

昨夜風斜捲白沙。曉天日冷鎖紅霞。餘寒峭千林雪。壓倒衆芳獨發花。

望玳波雪

埋沒茂陰築白波。春餘雨雪暮寒多。雙峰突兀款冰柱。屑玉鎔銀飾索駝。

久昌寺大衆請通海師講法華玄義師

諾挂錫於此。戲賦同韻詩五章。見示

大衆予偶見之。押其韻云。

飛錫歸時松向東。衆徒喜迓滿山中。懸河無礙富那辨。說法闡玄振祖風。

湯湯法水復漸東。雨澤久昌精舍中。千里尋師多爰底。恰如群蟻萃羶風。

莊子曰。蟻慕羊肉。注云。羊肉羶也。

佛種培栽現塢東。萬方瞻仰絀園中。擔簦負笈奔波至。龍起雲從虎嘯風。

大般若經優曇曇作場東

懋哉。早倒百川東。莫白首。三大部中。通曉五

時。兼八教。奉揚萬法。一如風

哮哮。義虎吼江東。百獸震興奈苑中。近履日

蓮菩薩跡。遠扇智者大師風

釋氏要覽曰。高僧道光在江東。研究義理。號義虎。

落花

三月春過花已虛。辭枝片點玉吾廬。斑文疊

初南山豹風惡。樹頭走雪車。爾若正章莫示

和蘭藏主白牡丹詩韻

玉盃承露點無瑕。聊拗一枝呈梵家。人愛傾

城傾國艷。我憐色即是空花

張鳳翼白牡丹詩。偏憐色相空。

和姪賴福題予山莊詩韻二首

古洞苔封歲月深。鳴禽啣鹿伴幽林。一竿魚

眼子陵餓。三徑松。援靖節琴

柴門雲鎖碧窻深。圍宅翠屏松竹林。林密池

清。佳致在。蛙成鼓。吹鳥成琴

散卦梅雨

得涼字

非煙非霧縷縱橫。梅雨物濡梅又黃。夜靜夢醒欹枕聽。檐間琴筑滴微涼。

殘暑溽人涼。雨乍至喜而戲賦

驟雨漲來陸地波。電光閃閃掣金蛇。涼風誘引清香去。無熱池邊鉢特摩。

次前往弘願寺喜雲老漢韻

放下世緣無物侵。破茅也足一枝林。泉清樹密庭除靜。生飯啄來馴野禽。

中秋雨

得柱字

油雲漫密鎖王宇。仰天嘆息中秋雨。今夜挑盡蘇頲燈。徒攤殘篇閣倚柱。

再步前韻喜晴

開戶窺天清庭宇。堪喜中秋乍晴雨。夜半雲消復撤燈。銀窟高聳倒冰柱。

展重陽

今日又逢重九節。秋容風爽未全頽。菊添再色東籬下。疇昔白衣去不來。

九月十三夜礪原海邊看月

月錢三秋離海隅尋常今夜得暗無影波萬
顆又千顆恰似交光帝網珠

題水竹軒

綠竹猗猗遶宅幽衡門常繫往來舟節高恰
似丈夫立影濯那珂百里流

題銀杏樹

千林秋暮報霜晨鴨脚葉寒黃既勻片片同
雲屯不散樹頭風度動金鱗

壬申之冬大中庵日孝訪吾山莊有故

不遇作詩題壁他日和其韻示之
飯後微醺緩杖藜撫髭尋句步山蹊愧逃谷
被煙霞惱羨隱市無五六迷

初冬聽夜雨述懷

傍徑細流寒水清東籬秋暮布金英四山葉
落風蕭索雨滴燈前無限情

雪後得纒字

花發不香檐下梅月光相映夜奇哉明年農

事其如奈。雪淺遺蝗入地纔。

又押纔字。

一夜千林花乍開。霜禽偷眼眩猶猜。朝曦影
冷未消盡。北面皚皚南面纔。

元日雨

元祿六年
癸酉

舊臘土乾民苦培。忽歡甘雨浥黃埃。衡門堅
鎖不曾許。無奈春光排闥來。

三月九日遊旌櫻寺春寒花半開有感

口號

只疑造化有私乎。一樹北南開落殊。今日對
花多感慨。十人朋友二三無。

問林題正宗寺池蓮

無熱池邊一興加。晚風香度梵王家。君看這
箇紛陀利。誰作跏趺佛座花。

同慧明院如暗上人賞蓮

青蓋翠房花可憐。方池風度濯清漣。不堪昔
日遠師德。千歲惟馨淨社蓮。

中秋

得青字

夜靜風微。桂子馨。金波蕩處。沒稀星。雲間高挂一圓鏡。照破秋天白殺青。

冬景 得兵字

凍雨連宵不見晴。乍驚弓勢射窻明。風刀感甬冽寒威重。豫整三軍屯酒兵。

釋迦堂月 探題

問村指示釋迦堂。莫謂名存跡已亡。佛教殆如雲上月。無盈無缺一圓光。

寺鐘賦之

碧瓦初寒。五伯冬。千林霜降。秀孤松。一聲打破客中夢。夢覺觀音寺裏鐘。

再和前韻

學教根養歲餘冬。他日猶期千丈松。終夜攪眠圓木枕。書窻何用六時鐘。

見漁人網魚

天朗氣清東海東。一望千里眼無窮。漁翁鼓腹却應笑。人世浮沉羅網中。

椽欄 遊正宗寺探題

椽欄一樹梵王家。日射紗窗寫夜叉。葉有班
姬秋扇怨。骨存紙脫轉參差。

十一月十四日。設法會。久昌寺。薦先妣。

冥福。耕山寺智泉長老來視。為作偈。

供牌前。不勝感激。和韻。申謝。

演漾伽陀梵唄音。管絃弄奏奮叢林。法雲含

潤。大乘雨。一洗世氛名利心。

雪

寒戰輔車合玉樓。此時誰脫景公裘。俊鷹捉
下鵬離毳埋沒。山河眩遠眸。海邊歲暮

家舟漁海我忘吾。歲莫歲新一事無。臘底得

魚歸典酒貯樽明日代屠蘇。

和釋日乘元日詩韻元祿七年甲戌

來徃風光夢一場。臘餘又是縱新陽。君看二

十四番外。開會法華期久昌。

春雪

寒閉煙霞紅未勻。黃雲剪下玉繽紛。逐風片
點橫斜影壓倒。梅花獨領春。

來赴三月念七日。遊彰考館。男九成氏送絕

句一章分廿八字為韻各賦呈予得

前韻與送字。自此至旅中除夜十八首。甲戌歲在江戶所作。

花向朝陽翔白鳳。倒樽林間酒既中。晚步高
岡放吟眸。風擁清香過雲送。

不調四月六日。男九成氏作和歌寄慧明院

寒輝禪主請予和。其末字二首。公亦不許。真珠

送春迎夏觀不改。處處殘櫻餘光彩。晚風有
意誘花來。徘徊樹陰舉盃待。

葉底殘櫻春些在。風刀剪雪落。醺醺旅檐花
散。錦儂衣暗動。歸思屈指待。

遊牡丹園

南面春王絳節朝。浮雲生怕蔽名標。深紅純
白一樽酒。醉色酌花賓。魏姚。

遊後樂園

後園夏景思依依。新樹林深鳥獨歸。雨過平

田鉞水長西山秧稻定須肥

和堀田一宜月前納涼和歌末字

千里開懷一味風招涼團扇捧天東林間跳出白蟾影露濕客衣嵐翠空

和堀田一之七夕和歌末字

風卷疎簾月半庭明河斜隔女牛星昔時曼倩三偷後幾看仙桃花實齡

中元

為母不知大祭承孟蘭盆會耐生憎吾邦從

古中元日徒放流燈誤佛燈

爽雨夜書懷自燃風熱連疊珠懸山頭妹

秋雨寂寥悵旅情終宵輾轉夢難成不思折却七年恨再聽錦城檐滴聲

史館書生催宴請孫男菊童姪孫賴慶

予亦在席聊綴俚言

一豫一遊與眾偕賦詩開宴興無涯星稀秋半菊猶未先喜王弘送酒來

仲秋森安節傳鄉信訪我僑居青垂無

幾忽告歸送以詩云
歸思傷情不得眠
燈前擡枕喜足然
寒温未了又分袂
何事等閑先我還
遇故鄉僧話舊得僧字
旅窻背壁枕頭燈
夢駭柴門啄木僧
邂逅眼青方外友
終宵話盡舊時曾
遊後樂園觀紅楓
夾岸霜楓水底勻
微風緩動疊紅鱗
山頭秋晚物皆醉
笑殺獨醒千歲人

大通師扣余僑居袖絕句一章來即席

和韻

法山負去罵夸娥
新引禪流混教河
其曲彌高其和寡
試看下里郢中歌

師素濟家者流也。偶行脚常陽諸師假住戶村龍昌禪院。頃欲覓教徒。廣兼學。故句中寓微意云。

彌勒教寺春上人偶叩僑居始接道儀
閑談如舊昨作義泉辱惠絕句一章
佳茗兩品味之吟之不能默止遂次

芳韻以申答謝

鼎吐月團煎碧天。姬魚盧陸伴蕭然。謫仙弄
句，仙人掌。真味喫來參玉泉。

李白答僧中孚贈玉泉茶詩云。曝成仙人掌。似拍洪崖肩。虛堂謝惠茶。頌云。真味那容取。次參。

辛碕夜雨分探琵琶湖八景

雨灑辛碕千歲情。都荒麥秀感懷生。松間點
滴遺音在。志賀昔時琴筑聲。

野霞探題

冰霞卷雲整又斜。武藏草偃渺平沙。烈風擲
玉抵寒雀。廣野布銀點晚鴉。

旅中除夜

驅鬼排儼囂。四鄰旅窻癡坐。養吟身。終宵守
歲至。明且。又是侘鄉再領春。

常山文集卷之十二終

常山大集卷之二十二

常山文集卷之二十二

常山文集卷之二十二

常山文集卷之二十二

常山文集卷之二十二

常山文集卷之二十二

常山文集卷之二十二

常山文集卷之二十二

常山文集卷之二十二

常山文集卷之二十二

常山文集卷之二十二

